


大般若波羅蜜多經

第四十二

五
字二

46910

12.11.11



佛
國
寶
藏
佛
子
經
卷
第
一
轉
法輪
經

大般若波羅蜜多經卷第四十二

宇

三藏法師玄奘奉

詔譯

初分譬喻品第十一之一

藏

朱梓刊

尔時具壽善現白佛言世尊若有問言幻士
能學般若波羅蜜多成辦一切智智不幻士
能學靜慮精進安忍淨戒布施波羅蜜多成
辦一切智智不我得此問當云何答世尊若
有問言幻士能學四靜慮成辦一切智智不
幻士能學四無量四無色定成辦一切智智
不我得此問當云何答世尊若有問言幻士
能學四念住成辦一切智智不幻士能學四
正斷四神足五根五力七等覺支八聖道支



成辦一切智智不我得此問當云何答世尊
若有問言幻士能學空解脫門成辦一切智
智不幻士能學無相無願解脫門成辦一切
智智不我得此問當云何答世尊若有問言
幻士能學五眼成辦一切智智不幻士能學
六神通成辦一切智智不我得此問當云何
答世尊若有問言幻士能學佛十力成辦一
切智智不幻士能學四無所畏四無礙解大
慈大悲大喜大捨十八不共法一切智道
相智一切相智成辦一切智智不我得此問
當云何答佛告善現我還問汝隨汝意答善
現於意云何色與幻有異不受想行識與幻

有異不善現答言不也世尊何以故色不異
幻幻不異色色即是幻幻即是色受想行識
亦復如是善現於意云何眼處與幻有異不
耳鼻舌身意處與幻有異不善現答言不也
世尊何以故眼處不異幻幻不異眼處眼處
即是幻幻即是眼處耳鼻舌身意處亦復如
是善現於意云何色處與幻有異不聲香味
觸法處與幻有異不善現答言不也世尊何
以故色處不異幻幻不異色處色處即是幻
幻即是色處聲香味觸法處亦復如是善現
於意云何眼界與幻有異不色界眼色界及
眼觸眼觸為緣所生諸受與幻有異不善現

荅言不也世尊何以故眼界不異幻幻不異
眼界眼界即是幻幻即是眼界色界乃至眼
觸為緣所生諸受亦復如是善現於意云何
耳界與幻有異不聲界耳識界及耳觸耳觸
為緣所生諸受與幻有異不善現荅言不也
世尊何以故耳界不異幻幻不異耳界耳界
即遷幻幻即是耳界聲界乃至耳觸為緣所
生諸受亦復如是善現於意云何鼻界與幻
有異不香界鼻識界及鼻觸鼻觸為緣所生
諸受與幻有異不善現荅言不也世尊何以
故鼻界不異幻幻不異鼻界鼻界即是幻幻
即是鼻界香界乃至鼻觸為緣所生諸受亦

復如是善現於意云何舌界與幻有異不味
界舌識界及舌觸舌觸為緣所生諸受與幻
有異不善現答言不也世尊何以故舌界不
異幻幻不異舌界即是幻幻即是舌界
味界乃至舌觸為緣所生諸受亦復如是善
現於意云何身界與幻有異不觸界身識界
及身觸身觸為緣所生諸受與幻有異不善
現答言不也世尊何以故身界不異幻幻不
異身界身界即是幻幻即是身界觸界乃至
身觸為緣所生諸受亦復如是善現於意云
何意界與幻有異不法界意識界及意觸意
觸為緣所生諸受與幻有異不善現答言不

也世尊何以故意界不異幻幻不異境界意
界即是幻幻即是境界法界乃至意觸爲緣
所生諸受亦復如是善現於意云何地界與
幻有異不水火風空識界與幻有異不善現
荅言不也世尊何以故地界不異幻幻不異
地界地界即是幻幻即是地界水火風空識
界亦復如是善現於意云何苦聖諦與幻有
異不集滅道聖諦與幻有異不善現荅言不
也世尊何以故苦聖諦不異幻幻不異苦聖
諦苦聖諦即是幻幻即是苦聖諦集滅道聖
諦亦復如是善現於意云何無明與幻有異
不行識名色六處觸受愛取有生老死愁歎

苦憂惱與幻有異不善現答言不也世尊何以故無明不異幻幻不異無明無明即是幻幻即是無明行乃至老死愁歎苦憂惱亦復如是善現於意云何四靜慮與幻有異不四無量四無色定與幻有異不善現答言不也世尊何以故四靜慮不異幻幻不異四靜慮四靜慮即是幻幻即是四靜慮四無量四無色定亦復如是善現於意云何四念住與幻有異不四正斷四神足五根五力七等覺支八聖道支與幻有異不善現答言不也世尊何以故四念住不異幻幻不異四念住四念住即是幻幻即是四念住四正斷乃至八聖

道支亦復如是善現於意云何空解脫門與
幻有異不無相無願解脫門與幻有異不善
現答言不也世尊何以故空解脫門不異幻
幻不異空解脫門空解脫門即是幻幻即是
空解脫門無相無願解脫門亦復如是善現
於意云何布施波羅蜜多與幻有異不淨戒
安忍精進靜慮般若波羅蜜多與幻有異不
善現答言不也世尊何以故布施波羅蜜多
不異幻幻不異布施波羅蜜多布施波羅蜜
多即是幻幻即是布施波羅蜜多淨戒安忍
精進靜慮般若波羅蜜多亦復如是善現於
意云何五眼與幻有異不六神通與幻有異

不善現答言不也世尊何以故五眼不異幻
幻不異五眼五眼即是幻幻即是五眼六神
通亦復如是善現於意去何佛十力與幻有
異不四無所畏四無礙解大慈大悲大喜大
捨十八佛不共法一切智道相智一切相智
與幻有異不善現答言不也世尊何以故佛
十力不異幻幻不異佛十力佛十力即是幻
幻即是佛十力四無所畏乃至一切相智亦
復如是善現於意去何無上正等菩提與幻
有異不善現答言不也世尊何以故無上正
等菩提不異幻幻不異無上正等菩提無上
正等菩提即是幻幻即是無上正等菩提

佛告善現於意云何幻有雜染有清淨不善
現答言不也世尊善現於意云何幻有生有
滅不善現答言不也世尊善現於意云何若
法無雜染無清淨無生無滅是法能學般若
波羅蜜多成辦一切智智不善現答言不也
世尊善現於意云何若法無雜染無清淨無
生無滅是法能學靜慮精進安忍淨戒布施
波羅蜜多成辦一切智智不善現答言不也
世尊善現於意云何若法無雜染無清淨無
生無滅是法能學四靜慮成辦一切智智不
善現答言不也世尊善現於意云何若法無
雜染無清淨無生無滅是法能學四無量四

無色定成辦一切智智不善現答言不也世
尊善現於意云何若法無雜染無清淨無生
無滅是法能學四念住成辦一切智智不善
現答言不也尊世善現於意云何若法無雜
染無清淨無生無滅是法能學四正斷四神
足五根五力七等覺支八聖道支成辦一切

大般若

字

三

五

智智不善現答言不也世尊善現於意云何
若法無雜染無清淨無生無滅是法能學空
解脫門成辦一切智智不善現答言不也世
尊善現於意云何若法無雜染無清淨無生
無滅是法能學無相無願解脫門成辦一切
智智不善現答言不也世尊善現於意云何

若法無雜染無清淨無生無滅是法能學五
眼成辦一切智智不善現答言不也世尊善
現於意云何若法無雜染無清淨無生無滅
是法能學六神通成辦一切智智不善現答
言不也世尊善現於意云何若法無雜染無
清淨無生無滅是法能學佛十力成辦一切
智智不善現答言不也世尊善現於意云何
若法無雜染無清淨無生無滅是法能學四
無所畏四無礙解大慈大悲大喜大捨十八
佛不共法一切智道相智一切相智成辦一
切智智不善現答言不也世尊善現於意云
何異五蘊等法想等想假立言說有菩薩摩

訶薩不善現答言不也世尊善現於意去何
唯於五蘊等法想等想假立言說謂爲菩薩
摩訶薩耶善現答言如是世尊善現於意去
何是唯於五蘊等法想等想假立言說者有
雜染有清淨有生有滅不善現答言不也世
尊善現於意去何若法無想無等想無假立
無言說無名無名假無身無身業無語無語
業無意無意業無雜染無清淨無生無滅是
法能學般若波羅蜜多乃至一切相智成辦
一切智智不善現答言不也世尊佛告善現
若菩薩摩訶薩能以如是無所得爲方便學
般若波羅蜜多乃至一切相智當知是菩薩

摩訶薩能成辦一切智智。尔時具壽善現白
佛言：世尊，若菩薩摩訶薩欲證無上正等菩
提，修學般若波羅蜜多時，當如幻士修學般
若波羅蜜多於一切事無所分別，何以故？當
知幻士即五蘊等，五蘊等即幻士，故佛告善
現於意云：何如幻五蘊等能學般若波羅蜜
多，成辦一切智智，不善現。答言：不也。世尊，何
以故？是如幻五蘊等以無性為自性，無性自
性不可得，故善現於意云：何如夢如響如光
影如像如空華如陽焰如尋香城如變化五
蘊等能學般若波羅蜜多，成辦一切智智，不
善現。答言：不也。世尊，何以故？是如夢五蘊等

乃至如變化五蘊等以無性爲自性無性自
性不可得故善現於意云何是如幻等五蘊
等法各有異不善現答言不也世尊何以故
是如幻等色受想行識即是如夢等色受想
行識是如幻等色受想行識即是如幻等六
根等是如幻等六根等即是如幻等色受想
行識皆由內空不可得故乃至皆由無性自
性空不可得故尔時具壽善現復白佛言世
尊新發趣大乘菩薩摩訶薩聞說如是甚深
般若波羅蜜多其心將無驚恐怖不佛告善
現新發趣大乘菩薩摩訶薩修行般若波羅
蜜多時若無方便善巧不爲善友之所攝受

聞說如是甚深般若波羅蜜多其心有驚有
恐有怖尔時善現白言世尊何等菩薩摩訶
薩修行般若波羅蜜多時有方便善巧故聞
說如是甚深般若波羅蜜多其心不驚不恐
不怖佛告善現若菩薩摩訶薩修行般若波
羅蜜多時以應一切智智心觀色常無常相
不可得觀受想行識常無常相不可得以應
一切智智心觀色樂苦相不可得觀受想行
識樂苦相不可得以應一切智智心觀色我無
我相不可得觀受想行識我無我相不可得
以應一切智智心觀色淨不淨相不可得觀
受想行識淨不淨相不可得以應一切智智

心觀色空不空相不可得觀受想行識空不
空相不可得以應一切智智心觀色無相有
相相不可得觀受想行識無相有相相不可
得以應一切智智心觀色無願有願相不可
得觀受想行識無願有願相不可得以應一
切智智心觀色寂靜不寂靜相不可得觀受
想行識寂靜不寂靜相不可得以應一切智
智心觀色遠離不遠離相不可得觀受想行
識遠離不遠離相不可得善現如是菩薩摩
訶薩修行般若波羅蜜多時有方便善巧故
聞說如是甚深般若波羅蜜多其心不驚不
恐不怖善現若菩薩摩訶薩修行般若波羅

蜜多時以應一切智智心觀眼處常無常相
不可得觀耳鼻舌身意處常無常相不可得
以應一切智智心觀眼處樂苦相不可得觀
耳鼻舌身意處樂苦相不可得以應一切智
智心觀眼處我無我相不可得觀耳鼻舌身
意處我無我相不可得以應一切智智心觀
眼處淨不淨相不可得觀耳鼻舌身意處淨
不淨相不可得以應一切智智心觀眼處空
不空相不可得觀耳鼻舌身意處空不空相
不可得以應一切智智心觀眼處無相有相
相不可得觀耳鼻舌身意處無相有相相不
可得以應一切智智心觀眼處無願有願相

不可得觀耳鼻舌身意處無願有願相不可
得以應一切智智心觀眼處寂靜不寂靜相
不可得觀耳鼻舌身意處寂靜不寂靜相不
可得以應一切智智心觀眼處遠離不遠離
相不可得觀耳鼻舌身意處遠離不遠離相
不可得善現如是菩薩摩訶薩修行般若波

大般若字
四三

羅蜜多時有方便善巧故聞說如是甚深般
若波羅蜜多其心不驚不恐不怖善現若菩
薩摩訶薩修行般若波羅蜜多時以應一切
智智心觀色處常無常相不可得觀聲香味
觸法處常無常相不可得以應一切智智心
觀色處樂苦相不可得觀聲香味觸法處樂

苦相不可得以應一切智智心觀色處我無
我相不可得觀聲香味觸法處我無我相不
可得以應一切智智心觀色處淨不淨相不
可得觀聲香味觸法處淨不淨相不可得以
應一切智智心觀色處空不空相不可得觀
聲香味觸法處空不空相不可得以應一切
智智心觀色處無相有相相不可得觀聲香
味觸法處無相有相相不可得以應一切智
智心觀色處無願有願相不可得觀聲香味
觸法處無願有願相不可得以應一切智智
心觀色處寂靜不寂靜相不可得觀聲香味
觸法處寂靜不寂靜相不可得以應一切智

智心觀色處遠離不遠離相不可得觀聲香味觸法處遠離不遠離相不可得善現如是菩薩摩訶薩修行般若波羅蜜多時有方便善巧故聞說如是甚深般若波羅蜜多其心不驚不恐不怖善現若菩薩摩訶薩修行般若波羅蜜多時以應一切智智心觀眼界色

大般若

卷

第

九

界眼識界及眼觸眼觸為緣所生諸受常無常相不可得以應一切智智心觀眼界色眼界眼識界及眼觸眼觸為緣所生諸受樂苦相不可得以應一切智智心觀眼界色眼界眼識界及眼觸眼觸為緣所生諸受我無我相不可得以應一切智智心觀眼界色眼界眼識界

及眼觸爲緣所生諸受淨不淨相不可
得以應一切智智心觀眼界色界眼識界及
眼觸爲緣所生諸受空不空相不可得
以應一切智智心觀眼界色界眼識界及眼
觸爲緣所生諸受無相有相相不可得
以應一切智智心觀眼界色界眼識界及眼
觸爲緣所生諸受寂靜不寂靜相不可
得以應一切智智心觀眼界色界眼識界及
眼觸爲緣所生諸受遠離不遠離相不
可得善現如是菩薩摩訶薩修行般若波羅

蜜多時有方便善巧故聞說如是甚深般若
波羅蜜多其心不驚不恐不怖善現若菩薩
摩訶薩修行般若波羅蜜多時以應一切智
智心觀耳界聲界耳識界及耳觸耳觸為緣
所生諸受常無常相不可得以應一切智智
心觀耳界聲界耳識界及耳觸耳觸為緣所
生諸受樂苦相不可得以應一切智智心觀
耳界聲界耳識界及耳觸耳觸為緣所生諸
受我無我相不可得以應一切智智心觀耳
界聲界耳識界及耳觸耳觸為緣所生諸受
淨不淨相不可得以應一切智智心觀耳界
聲界耳識界及耳觸耳觸為緣所生諸受空

不空相不可得以應一切智智心觀耳界聲
界耳識界及耳觸耳觸為緣所生諸受無相
有相相不可得以應一切智智心觀耳界聲
界耳識界及耳觸耳觸為緣所生諸受無願
有願相不可得以應一切智智心觀耳界聲
界耳識界及耳觸耳觸為緣所生諸受寂靜
不寂靜相不可得以應一切智智心觀耳界
聲界耳識界及耳觸耳觸為緣所生諸受遠
離不遠離相不可得以善現如是菩薩摩訶薩
修行般若波羅蜜多時有方便善巧故聞說
如是甚深般若波羅蜜多其心不驚不恐不
怖善現若菩薩摩訶薩修行般若波羅蜜多

大般若字

四十一

十

時以應一切智智心觀鼻界香界鼻識界及
鼻觸鼻觸為緣所生諸受常無常相不可得
以應一切智智心觀鼻界香界鼻識界及鼻
觸鼻觸為緣所生諸受樂苦相不可得以應
一切智智心觀鼻界香界鼻識界及鼻觸鼻
觸為緣所生諸受我無我相不可得以應一
切智智心觀鼻界香界鼻識界及鼻觸鼻觸
為緣所生諸受淨不淨相不可得以應一切
智智心觀鼻界香界鼻識界及鼻觸鼻觸為
緣所生諸受空不空相不可得以應一切智
智心觀鼻界香界鼻識界及鼻觸鼻觸為緣
所生諸受無相有相相不可得以應一切智

智心觀鼻界香界鼻識界及鼻觸鼻觸為緣
所生諸受無願有願相不可得以應一切智
智心觀鼻界香界鼻識界及鼻觸鼻觸為緣
所生諸受寂靜不寂靜相不可得以應一切
智智心觀鼻界香界鼻識界及鼻觸鼻觸為
緣所生諸受遠離不遠離相不可得善現如

大般若

若

字

四十二

是菩薩摩訶薩修行般若波羅蜜多時有方
便善巧故聞說如是甚深般若波羅蜜多其
心不驚不恐不怖善現若菩薩摩訶薩修行
般若波羅蜜多時以應一切智智心觀舌界
味界舌識界及舌觸舌觸為緣所生諸受常
無常相不可得以應一切智智心觀舌界味

界舌識界及舌觸舌觸爲緣所生諸受樂苦
相不可得以應一切智智心觀舌界味界舌
識界及舌觸舌觸爲緣所生諸受我無我相
不可得以應一切智智心觀舌界味界舌識
界及舌觸舌觸爲緣所生諸受淨不淨相不
可得以應一切智智心觀舌界味界舌識界
及舌觸舌觸爲緣所生諸受空不空相不可
得以應一切智智心觀舌界味界舌識界及
舌觸舌觸爲緣所生諸受無相有相相不可
得以應一切智智心觀舌界味界舌識界及
舌觸舌觸爲緣所生諸受無願有願相不可
得以應一切智智心觀舌界味界舌識界及

舌觸舌觸爲緣所生諸受寂靜不寂靜相不可得以應一切智智心觀舌界味界舌識界及舌觸舌觸爲緣所生諸受遠離不遠離相不可得善現如是菩薩摩訶薩修行般若波羅蜜多時有方便善巧故聞說如是甚深般若波羅蜜多其心不驚不恐不怖善現若若若

薩摩訶薩修行般若波羅蜜多時以應一切智智心觀身界觸界身識界及身觸身觸爲緣所生諸受常無常相不可得以應一切智智心觀身界觸界身識界及身觸身觸爲緣所生諸受樂苦相不可得以應一切智智心觀身界觸界身識界及身觸身觸爲緣所生

諸受我無我相不可得以應一切智智心觀
身界觸界身識界及身觸身觸為緣所生諸
受淨不淨相不可得以應一切智智心觀身
界觸界身識界及身觸身觸為緣所生諸受
空不空相不可得以應一切智智心觀身界
觸界身識界及身觸身觸為緣所生諸受無
相有相相不可得以應一切智智心觀身界
觸界身識界及身觸身觸為緣所生諸受無
願有願相不可得以應一切智智心觀身界
觸界身識界及身觸身觸為緣所生諸受寂
靜不寂靜相不可得以應一切智智心觀身
界觸界身識界及身觸身觸為緣所生諸受

大般若

字

里二

十二

朱耕

遠離不遠離相不可得善現如是菩薩摩訶
薩修行般若波羅蜜多時有方便善巧故聞
說如是甚深般若波羅蜜多其心不驚不恐
不怖善現若菩薩摩訶薩修行般若波羅蜜
多時以應一切智智心觀意界法界意識界
及意觸意觸為緣所生諸受常無常相不可
得以應一切智智心觀意界法界意識界及
意觸意觸為緣所生諸受我無我相不可得以應
一切智智心觀意界法界意識界及意觸意
觸為緣所生者受淨不淨相不可得以應

切智智心觀意界法界意識界及意觸意觸
為緣所生諸受空空不空相不可得以應一切
智智心觀意界法界意識界及意觸意觸為
緣所生諸受無相有相相不可得以應一切
智智心觀意界法界意識界及意觸意觸為
緣所生諸受無願有願相不可得以應一切

大般若

卷四十三

十三

朱梓

智智心觀意界法界意識界及意觸意觸為
緣所生諸受寂靜不寂靜相不可得以應一
切智智心觀意界法界意識界及意觸意觸
為緣所生諸受遠離不遠離相不可得善現
如是菩薩摩訶薩修行般若波羅蜜多時有
方便善巧故聞說如是甚深般若波羅蜜多

其心不驚不恐不怖善現若菩薩摩訶薩修行般若波羅蜜多時以應一切智智心觀地界常無常相不可得觀水火風空識界常無常相不可得以應一切智智心觀地界樂苦相不可得以應一切智智心觀地界我無我相不可得以應一切智智心觀地界淨不淨相不可得觀水火風空識界淨不淨相不可得以應一切智智心觀地界空不空相不可得觀水火風空識界空不空相不可得以應一切智智心觀地界無相有相相不可得觀水火風空識界無

相有相相不可得以應一切智智心觀地界
無願有願相不可得觀水火風空識界無願
有願相不可得以應一切智智心觀地界寂
靜不寂靜相不可得觀水火風空識界寂靜
不寂靜相不可得以應一切智智心觀地界
遠離不遠離相不可得觀水火風空識界遠

離不遠離相不可得善現如是菩薩摩訶薩
修行般若波羅蜜多時有方便善巧故聞說
如是甚深般若波羅蜜多其心不驚不恐不
怖善現若菩薩摩訶薩修行般若波羅蜜多
時以應一切智智心觀苦聖諦常無常相不
可得觀集滅道聖諦常無常相不可得以應

一切智智心觀苦聖諦樂苦相不可得觀集
滅道聖諦樂苦相不可得以應一切智智心
觀苦聖諦我無我相不可得觀集滅道聖諦
我無我相不可得以應一切智智心觀苦聖
諦淨不淨相不可得觀集滅道聖諦淨不淨
相不可得以應一切智智心觀苦聖諦空不

大般若

字

四十二

十四

朱梓

空相不可得觀集滅道聖諦空不空相不可
得以應一切智智心觀苦聖諦無相有相相
不可得觀集滅道聖諦無相有相相不可得
以應一切智智心觀苦聖諦無願有願相不
可得觀集滅道聖諦無願有願相不可得以
應一切智智心觀苦聖諦寂靜不寂靜相不

可得觀集滅道聖諦寂靜不寂靜不可得
以應一切智智心觀苦聖諦遠離不遠離相
不可得觀集滅道聖諦遠離不遠離相不可
得善現如是菩薩摩訶薩修行般若波羅蜜
多時有方便善巧故聞說如是甚深般若波
羅蜜多其心不驚不恐不怖善現若菩薩摩
訶薩修行般若波羅蜜多時以應一切智智
心觀無明常無常相不可得觀行識名色六
處觸受愛取有生老死愁歎苦憂惱常無常
相不可得以應一切智智心觀無明樂苦相
不可得觀行乃至老死愁歎苦憂惱樂苦相
不可得以應一切智智心觀無明我無我相

不可得觀行乃至老死愁歎苦憂惱我無我
相不可得以應一切智智心觀無明淨不淨
相不可得觀行乃至老死愁歎苦憂惱淨不
淨相不可得以應一切智智心觀無明空不
空相不可得觀行乃至老死愁歎苦憂惱空
不空相不可得以應一切智智心觀無明無
相有相相不可得觀行乃至老死愁歎苦憂
惱無相有相相不可得以應一切智智心觀
無明無願有願相不可得觀行乃至老死愁
歎苦憂惱無願有願相不可得以應一切智
智心觀無明寂靜不寂靜相不可得觀行乃
至老死愁歎苦憂惱寂靜不寂靜相不可得

般若

經

卷

第

以應一切智智心觀無明遠離不遠離相不
可得觀行乃至老死愁歎苦憂惱遠離不遠
離相不可得善現如是菩薩摩訶薩修行般
若波羅蜜多時有方便善巧故聞說如是甚
深般若波羅蜜多其心不驚不恐不怖

善現若菩薩摩訶薩修行般若波羅蜜多時

以應一切智智心觀四靜慮常無常相不可
得觀四無量四無色定常無常相不可得以
應一切智智心觀四靜慮樂苦相不可得觀
四無量四無色定樂苦相不可得以應一切
智智心觀四靜慮我無相不可得觀四無我
量四無色定我無我相不可得以應一切智

六
智心觀四靜慮淨不淨相不可得觀四念量
四念色定淨不淨相不可得以應一切智智
心觀四靜慮空不空相不可得觀四念量四
無色定空不空相不可得以應一切智智心
觀四靜慮無相有相相不可得觀四念量四
無色定無相有相相不可得以應一切智智
心觀四靜慮無願有願相不可得觀四念量
四念色定無願有願相不可得以應一切智
智心觀四靜慮寂靜不寂靜相不可得觀四
無量四無色定寂靜不寂靜相不可得以應
一切智智心觀四靜慮遠離不遠離相不可
得觀四無量四無色定遠離不遠離相不可

得善現如是菩薩摩訶薩修行般若波羅蜜
多時有方便善巧故聞說如是甚深般若波
羅蜜多其心不驚不怖不怖

大般若波羅蜜多經卷第四十二

字



